

**Pileraarusiorneq aamma nunaminertat
atorneqartarnerat pillugit Inatsisartut inatsisaata
allanngortinneqarneranik Inatsisartut inatsisaat
(Nuna tamakkerlugu pileraarusiornermut
nalunaarusiaq, nunaminertanik inniminniisarneq,
atuisinnaanermut killigititamik sivitsuisinnaanermut
periarfissaq, utaqqisunik allattorsimaffiup
saqqummiunneqarnissaa, pileraarusiornermut-
nunaminertamillu atuisinnaanermut atatillugu
naammagittaalliortarfiup allallu
atorunnaarsinneqarnissaa.)**

§ 1

Pilerausiorneq aamma nunaminertat atorneqartarnerat pillugit Inatsisartut inatsisaanni nr. 17, 17 november 2010-imeersumi imatut allannguisoqarpoq:

1. § 8, imatut oqaasertalerneqassaaq:

"§ 8. Naalakkersuisut minnerpaatut ukiut sisamakkaarlugit nuna tamakkerlugu pileraarusiorneq pillugu Inatsisartunut nassuaasiortassapput".

2. § 20, imm. 1, nr. 3, imatut oqaasertalerneqassaaq:

"3) Sanaartorfiup suussusaa annertussusaalu, uuma ataani ilaatigut sanaartorfiup qanissusaanik, portussusaanik aamma ungasissutsimut tunngasortaanik malittarisassaliorneq."

3. § 21, imm. 1, nr. 6, imatut oqaasertalerneqassaaq:

"6) Ilusiliinissaq, nunaminertanik sanaartorfiungitsunik atuineq aserfallatsaaliiherlu, nunaminertat sanaartorfiussaangitsut tassunga ilanngullugit aamma nunagissaaneq, ungalooqarfifit, naasoqarfinnik eriaginninneq kiisalu aqqusinernik angallaffiusunillu allanik quilllersuineq."

4. § 44-p kingorna, immikkoortumi "Nunaminertanik atugassiisarnerit" ikkunneqassaaq:

"§ 44 a. Nunaminertamik aalajangersimasumik atuisinnaatitaaneq atuisinnaatitaasumut aalajangersimasumut kommunalbestyrelsip ukiut marluk angullugit innimingersinnaavaa, nunaminertaq qinnuteqaatigineqartoq (SMV) § 4, imm. 2 naapertorlugu avatangiisit pillugit periusissanut siunnersuusiorfigineqassappat imaluunniit avatangiisut sunniutigisinnaasat nalilersuivigineqassappata (VVM) avatangiisut sunniutissanik nalilersuisarneq pillugu malittarisassat nunatsinni atuuttut

naapertorlugit.

Imm. 2. Nunaminertamik inniminniisoqarsinnaavoq, aatsaat nunaminertaq qinnuteqaatigineqartoq tunngaviusumik pilersaarummut atuuttumut tamanna naapertuuppat imaluunniit § 32 malillugu inerteqquteqarallarnerup atorunnaarsinneqarneranut atatillugu.

Imm. 3. Avatangiisirut naliliinermut atatillugu suliassamik tusarniaasoqartillugu § 42, imm. 1 naapertorlugu tamanut saqqummiussinertut ittumik, tamanut saqqummiussisoqarnissaanik piumasaqaat § 42, imm. 1 malillugu taamatulli atutissanngilaq."

5. § 45-p kingorna immikkoortumi "Nunaminertamik atugassiisarneq" ikkunneqassaaq:

"§ 45 a. § 27, imm. 3 malillugu kommunimut pilersaarummut tapiliussassatut immikkoortup ilaanut siunnersuuteqartoqarnissaanik aalajangiinermi immikkoortup ilaanut pineqartumut nunaminertamik atugassinneqarnissamik qinnuteqartumut nunaminertamik atuisinnaatitaaneq communalbestyrelsip ukiut marluk angullugit inniminnersinnaavaa. Taamatut pisoqartillugu §§ 42, imm. 1, aamma 45, imm. 3 atorneqassanngillat.

Imm. 2. Imm. 1 naapertorlugu nunaminertamik inniminniineq pillugu nalunaaruteqartoqannginnerani communalbestyrelsi pisussaavoq, minnerpaamik sapaatip akunnerini arfinilinni tamanut saqqummiussinnginnermi qinnuteqartup suliassatut siunnersuutaata allagarsiunnissaanut. Tamanut saqqummiussineq kommunimi tamatumuuna nalinginnaasumik periusasartoq malillugu pissaaq. Tamanut saqqummiussaq aammattaaq kommunip nittartagaanut ikkunneqassaaq.

Imm. 3. Imm. 2 malillugu allagarsiinermi communalbestyrelsi pisussaavoq, piumasaqaatit sorpiat §§ 1 aamma 20 naapertorlugu illuliassamut- imaluunniit sanaartugassamut angisuumut tunngaviusumik atuutsinneqassanersut aalajangersavigissallugit tamanna §§ 1 aamma 20 naapertorlugit.

Imm. 4. Tamanut allagarsiinerup nalaani siunnersuutinik allanik saqqummiussinssaq periarfissaassaaq saniatigullu oqaaseqaateqarnissamut. Siunnersuutigineqartut allat siullulluni qinnuteqartutulli nalilorsorneqassapput".

Imm. 5. Imm. 1 naapertorlugu communalbestyrelsi nunaminertamik inniminniiniarluni aalajangiippat, tamanullu allagarsiinerup nalaani imm. 2 naapertorlugu saniatigut oqaaseqaatigineqartut pilersaarusiortarnermut nassuaasiami allassimassapput.

Imm. 6. Imm. 1 naapertorlugu nunaminertamik inniminniinissamut piumasaqaataavoq, qinnuteqartup suliassatut siunnersuutigisaata kommunimut pilersaarummut tapiliussassatut siunnersuummut tunngaviliisuunissaa, suliap teknikkut aningaasatigullu qinnuteqartumit piviusungortinnejarnissaa ilimanaateqassasoq, aammalu pilersaarutip piviusungortinnissaanut aningaasassat qinnuteqartumit akilerneqarnissaat tamanna § 53 naapertorlugu.

Imm. 7. Imm. 1 naapertorlugu nunaminertamik inniminniineq ukumik ataatsimik communalbestyrelsip sivitsorsinnaavaa."

6. § 46, imm. 2, nr. 2, imatut oqaasertalerneqassaaq:

"2) Nunaminertamik atugassiissutaasumik atuinissamut akuersissutip sivisunerpaamik ukiuni marlunni atorneqarnissaanut piffissaliineq. Illiortiternerni- imaluunniit sanaartugassani angisuni, illiortiterneq- imaluunniit sanaartugassaq il. il. aallartinneqareersimappat sanaartorfissamilu nunaminertamik atuinissamut aalajangersagaq malillugu sulisoqarpal nunaminertamut pineqartumut atuisinnaatitaanerup ukumik ataatsimik sivitsornissaa communalbestyrelsip akuersissutigisinnaavaa."

7. § 47, imm. 1-p kingorna imm. 2 nutaatut ilanngunneqassaaq:

"*Imm. 2. Kommunalbestyrelsi § 46, imm. 2, nr. 2 malillugu nunaminertamik atugassiissutip*

atorneqarnissaanut piffissaliussamik sivitsuinissaq akuersissutigisimappagu, nunaminertamut pineqartumut atuisinnaatitaaneq aatsaat atorunnaarsinnaavoq, atuisinnaatitaasup nunaminertamik atuisussaatitaanini malissimannngippagu."

8. § 48-p kingorna, immikkoortumi "Nalunaarsuineq" ikkunneqassaaq:

"**§ 48 a.** Kommunalbestyrelsi pisussaavoq nunaminertamik inniminniinerup aalajangiiffigineqarnerata kommunip nittartagaatigut tamanut saqqummiunnissaanut. Tamanut saqqummiussaq nunaminertap inniminnerneqartup killilorsorneranik, inniminnikkap atorneqarnissaanut piffissaliussamik, taamaattorli § 45 a, imm. 7 naapertorlugu kiisalu nunaminertamut pineqartumut qinnuteqarsimasinnaasut allat utaqqisutut tulleriaarnerisa allattorsimaffinik imaqassaaq."

9. § 56, imatut oqaasertalerneqassaaq.:

"**§ 56.** Pissutsit Inatsisartut inatsisaanni matumani pineqartut pillugit imaluunniit maleruagassat Inatsisartut inatsisaat manna naapertorlugu aalajangersangaasut naapertorlugit communalbestyrelsip aalajangiinera inatsiseqartitsinermut tunngassuteqarpat, Naalakkersuisunut suliassangortinneqarsinnaapput. Taamaattorli pinngitsaaliisummik taarsiinertalimmik arsaarinnissuteqartarneq pillugu aalajangiinerit, tamanna §§ 51 aamma 52 malillugit Naalakkersuisunut suliassangortinneqarsinnaanngillat.

Imm. 2. Maalaaruteqarsinnaatitaasut:

- 1) Aalajangersaaffigineqartoq
- 2) Kinaluunniit, suliap inerneranut nammineq inuttut imaluunniit pingaaruteqartumik soqutigisaqarsimasinnaasoq.

Imm. 3. Kommunalbestyrelsip aalajangernerminik nalunaaruteqarneranit, kingusinnerpaamik sapaatit akunneri arfineq-pingasut qaangiutsinnagit maalaarut tunniunneqassaaq.

Imm. 4. Kommunalbestyrelsep akuersissutaanik tigusisoq maalaaruteqartoqarneranik Naalakkersuisunit nalunaarfingineqassaaq.

Imm. 5. Naalakkersuisut aalajangiineri allaffissornikkut sulialinnut allanut ingerlateqqinnejqarsinnaanngillat. Kalaallit Nunaanni Eqqartuussiviit sularinneqqaartussanngorlugit aalajangiineq eqqartuussivinnut tunniunneqarsinnaavoq."

10. § 57, imatut oqaasertalerneqassaaq:

"**§ 57.** Maalaarutigineqartoq tunngavigalugu, Naalakkersuisut akuersissuteqarnissat, akuersissutissat inerteqquteqarnissalluunniit Naalakkersuisut aalajangiinissaata tungaanut kinguartikkallarsinnaavaat, imaluunniit Naalakkersuisut allatut aalajangiinissaata tungaanut."

11. § 58, atorunnaarsinnejqarpoq.

12. § 68, atorunnaarsinnejqarpoq.

§ 2

Inatsisartut inatsisaat 1. Januar 2016-imi atuutilersinnejqarpoq.

Kalaallit Nunaanni Namminersorlutik Oqartussat 9. december 2015.

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut